



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Calvinus & Beza) vel ad sua placita stabilienda, vel ad Catholicæ Ecclesiæ dogmata infirmanda ...

In Acta Apostolorum to. primus

Stapleton, Thomas

Antverpiæ, 1595

Cap. 5.

urn:nbn:de:hbz:466:1-39424

CAP. V.

15. *Vt veniēte Petro saltem umbra illius obumbraret quemquam illorum, & sanarentur omnes à languoribus suis.*

V Alet hic locus ad Sanctorum reliquias venerandas, & ad sanitates earum fideli cōtactu aut applicatione à Deo experendas. Sed ne quicquam valeat, satagunt diligenter hoc loco haeretici. *Ridiculum est (inquiunt) opinari credentes fiduciam aut spem aliquam sanitatis in umbra Petri posuisse, & eam tam sanctam fuisse ut infirmos sanare potuerit. Sciebant enim omnia à verbi Dei virtute & Spiritu Sancto pendere.* Responde: vtrumque sciebant; tum à Spiritu Sancto ac virtute Dei omnem sanandi vim principalem pendere, tum umbram Petri non quidem in se sanctam, sed instrumentaliter efficacem fuisse, ut ea mediante infirmi sanarentur. Hoc enim textus sacer apertissimè dicit: *Ponebant in lectulis infirmos, ut veniente Petro saltem umbra illius obumbraret quemquam illorum, & (mediante hac umbratione sancti Apostoli) liberarentur omnes (quoque obumbrati fuissent) ab infirmitatibus suis.* Quare in ipsa haud dubiè Petri umbra fiduciam aliquam sanitatis ponebant, non ipsam per se umbram considerantes, sed cuius corporis illa umbra esset; nec ipsum quoque corpus per se

Reliquiarum SS. veneratio.

Apud Marloratum in Exposit. Ecclesiast.

per se spectantes, sed ut sancti viri per quem Deus operabatur. *De verbi Dei virtute*, quam hic infarciunt hæretici, textus sacer nihil loquitur. Sic suum nõ Dei verbum nobis obtrudunt. Nunc autem collectionem orthodoxam quomodo in forma dissoluunt videamus. *Hoc tamen* (inquiunt) *prætextu abutuntur Papiſta*, non modo ut ficta miracula commendent quæ ad martyrum sepulchra fieri dicunt, sed ut reliquias suas nobis venditent. Cur potius (inquiunt) sanandi virtutem habuit Petri umbra, quam habuit sepulchrum aut vestis, vel etiam osium tactus? Sed prompta est refutatio. Nam hac virtute ideo præditi fuerunt Apostoli, quod Euangelij ministri essent. Quatenus ergo ad promouendam Euangelij fidem intererat, hoc dono usi sunt. Immo Deus vim suam non minus in illorum umbra quam ore exercuit. In miraculis de quibus garrunt Papiſta, adeo nihil affine est, ut sint omnia potius contraria. Huius enim finis est, ut mundus à Christo abductus ad Sanctos transfugiat. Non ergo credendum est quod umbra hominis tum fuerit efficax, sed quod virtus Dei (quæ se secundum dispensationem nobis minutis istis rebus insinuat) egregia ista effecerit. Hæc ex varijs hæreticorum commentarijs Marloratus. Ad argumentum orthodoxum nihil respondent quod eius vim euacuet. Ministri Euangelij non soli Apostoli fuerunt, sed omnes eos secuti Pastores & Doctores quos Christus dedit in opus ministerij. Ad promouendam Euangelij fidem hoc donum valet non solum

Cauilla-
tio hære-
ticorum
refellitur.
Ephes. 4.

solum Apostolorum tempore, sed & quam-
 diu Euangelio creditur. *Fidei enim subseruiunt*
miracula (ait ipse hoc loco Calvinus) *alios*
preparando, alios confirmando. Et D. August. de
 miraculis ad Stephani reliquias suo tempo-
 re factis ita scribit: *Exultabant in Dei laudem*
voces. Quid autem erat in cordibus exultantium, nisi
fides Christi pro qua Stephani sanguis effusus est?
 Vnde ad aliam cauillationem patet respon-
 sio. Miraculorum enim ad sanctas reliquias
 finis non est vt mundus à Christo abductus
 ad Sanctos transfugiat, sed vt mundus per
 Sanctos ad Christi fidem adducatur, vel in
 fide confirmetur, vel denique fidem exul-
 tantius confiteatur. Tandem, non ipsam
 Petri umbram, aut alias SS. reliquias effi-
 caces ex se ipsis dicimus, sed virtutem Dei,
 qua illis minutis rebus se insinuat, omnium
 miraculorum effectricem esse asserimus &
 credimus. Sanè D. August. tractatu 72. in
 Ioann. & Chrysostom. Hom. 12. in Acta
 illud Christi promissum, *Majora horum fa-*
ciet; circa has sanitates ad umbram Petri
 factas adimpletum fuisse docent: quando
 istud opus maius videtur fuisse quam per
 simbria contactum sanasse.

De Ciuit.
 Dei l. 22.
 cap. 8.

Ioan. 14.

29. Opor-

29. *Oportet obedire Deo magis quàm hominibus.*

Obedire
Deo ma-
gis quàm
homi-
bus.

Sunt hæc verba cuiuslibet Christiani ac
pij fidelis, siue contra tyrannum perse-
cutorem, siue contra quemlibet superiorem
ea mandantem quæ diuinæ legi & pietati
repugnant, siue contra hæreticos ac lupos
in Ecclesia Christi Pastorum ac Ministro-
rum nomine grassantes. Non sunt autem
hominis hæretici verba contra legitimum
Ecclesiæ Pastorem, qualiter ea contra Ec-
clesiæ Catholicæ Pastores vsurpari posse
Calvinus hoc loco docet, perpetua sua hy-
potheti vsus, *Papam esse Christo aduersum*: sa-
nè quia Calvinus & cæteras horum temp-
orum ex Oecumenici Concilij decreto ana-
thema e percussit Papa; & quia Christus
esse Calvinus vult.

38. *Discedite ab hominibus istis, & sinite illos.*

Gamalie-
lis sentē-
tia qua-
lis.

Quæritur an hoc Gamalielis consilium
ex Deo fuerit, & generaliter verū sit.
Non ex Deo neque in fauorem Apostolo-
rum illa dixisse, sed veluti hominis mode-
rari & mansueti mitiorem sententiã fuisse
vult Calvinus; adeoquæ prudente homine
indignam, quæ omnibus maleficijs & scele-
ribus viam impunitatis aperiat: valere ta-
men sententiam in causa fidei ac veræ reli-
gionis,

gionis, cuius cursus vt impedi non debet, ita nec vlllo humano consilio impedi potest. Cæterum Gamalielelem prorsus in fauorem prædicationis Euangelicæ ista dixisse, & de sola causâ veræ fidei sententiâ suam protulisse, magno argumento est, quòd & ille Christianæ religionis fautor studiosus, tametsi fortè politicus, postea semper extiterit. Nam B. Stephani solemnem sepulcrum ipse in villa sua 20. miliaribus extra Hierusalé fieri procurauit, vt notat B. Lucianus Martyr in historia de inuentione corporis B. Stephani. Idem quoque Nicodemum Christi discipulum, postea à Iudæis bonis omnibus spoliatum, & Hierosolymis pulsus, in eadem villa sua vsque ad mortem aluit, & iuxta B. Stephanum sepeliuit, vt in eadem historia narrat B. Lucianus. Frustra tamen Caluinus cum cæteris hæreticis pro libertate falsæ religionis concedenda hoc Gamalielis consilio abutuntur. Quod enim in vera fide ac religione valet, hoc in sacrilegio & hæresi non valet.

C A P.